

# TE HENEURAA API

NENEIHIA I ROTO I TE PIHA NENEIRAA A TE EKALLESIA A IESU MESIA I TE  
FEIA MO'A I TE MAU MAHANA HOPEA NEI.  
PAPEETE, TAHITI, I TE MAU AVA'E ATOA.

*Te hoo: E 2 farane i te matahiti.*

No. 6

Tiunu 1936.

Mat. 30.

*O te Basileia no Ziona o te Basileia mau ia a to tatou  
Atua e to'na ra Mesia, e no reira ia auraro tatou i ta'na ra  
mau ture. B. F. 105:32.*

## Ua Faarohia To Ratou Mau Reo.

I te 5 no Eperera i mairi a'enei, e no te taime matamua,  
mai te faatiaraahia te Ekalesia, ua faaroohia te reo no te Pe-  
retiteniraa Matamua no te Ekalesia, i te ao taatoa nei na roto  
i te radio. Ua riro te reira ei tapao rahi e ua ravehia te reira  
i te tau mau ei faaiteraa i to te ao atoa nei i te tiaraa o te Eka-  
lesia e To'na riroraa ei *Ite* mau no Iesu Mesia e no Ta'na mau  
ohipa i te Mau Mahana Hopea Nei.

I taua mahana ra ua putuputu mai te mau Feia Mo'a i te  
oire ra i Roto Miti, e ua tae hoê noa iho ahuru tauatini taata



i roto i te Fare Menemene, te rahiraa ra ua parahi noa ia i rapae, no te faaroo raa i te mau a'oraa a te Peretiteniraa Matamua i mua i te aro o te ao atoa nei.

Ua na ô mai te Peretiteni ra o *Hebera GARANATA* i roto i ta'na a'oraa: Ia feruri maitai au i nia i te huru o teie nei ao, ua papu roa ia'u, ma te tapitapi ore e, e tia i te hoê heheuraa i roto i te Buka Fafau, tei parauhia te *Parau Paari*, e tei horoahia mai e te Fatu, tei hamani i te ra'i e te fenua nei, i te Peropheta ra ia Iosepha Semita hoê hanere matahiti i mairi a'enei, ia faaafaro i te mau peapea atoa, eiaha no to'u ana'e fenua, no te mau fenua atoa ra, ahiri te reira parau e haapaohia na e te mau taata atoa o te ao nei.

Te haapii nei te *Parau Paari* i te Feia Mo'a no te mau Mahana Hopea nei eiaha e inu i te *tî*, te *taofe*, e te *ava*, e eiaha atoa e puhipuhi i te *avaava*; te na ô maira te tai'oraa o taua parau ra:

*Ua tuuhia'tu ei aroha, eiaha ei faaueraa e ei tapearaa, ei parau heheu râ e ei parau paari hoi i te faaiteraa'tu i To'na hinaaro i te mau mea e au i te haapaoraa tino o te feia mo'a atoa i te mau mahana hopea nei. Inaha, te na ô maira te Fatu ia outou na, no te mau ranea ino e vai nei e o te vai â hoi i roto i te aau o te feia imi parau ino i te mau mahana hopea nei, ua faaara vau ia outou, e e faaara atu â hoi, mai te horoa'tu i teie nei parau no te paari na roto i te heheuraa— . . .*

*E te feia mo'a atoa o te haamana'o e o te haapao i teie nei parau ma te haapao maitai hoi i te mau faaueraa, e noaa ia ratou te ora i to ratou pito e te hinu i to ratou ivi. E iteahia atoa ia ratou te paari e te mau tao'a rahi no te ite, oia hoi, te mau tao'a moe.*

*E horo ratou e aore ratou e paruparu, e haere ratou e aore ratou e mata pouri hia. E te parau atu nei Au, o te Fatu, ia ratou e haere noa te melahi no te pohe na nia ia ratou, e e ore ratou e taparahikia, mai te tamarii a Iseraela, Amene.*

O te  
Ture  
tai'o  
i taua

Te  
nahan  
reva n  
ratou  
hau m  
e te po  
te man  
a'e i t  
tou iho

Te t  
faatero  
Ekales  
hapa

" T  
Hau,  
Oia i t  
te mau  
rurura

" T  
raa ha  
ture e  
hi te ti  
ta'na

" A  
tereraa  
maitai  
i roto i  
raa civ



O te tahi atu â mea te tia ia tapea maite hia, o te mau Ture Tumu ia no teie nei Hau, e i teie nei te oaoa nei au ia tai'o atu i te hoê parau i faaitehia e Iosepha Semita no nia i taua mau Ture tumu ra. Ua na ô oia;

*Te Ture tumu no te mau Hau Amui no Amerika e reva hanahana ia e ua putuhia te reira i nia i te paari o te Atua. E reva no nia mai i te ra'i; ua riro ratou, no te feia atoa tei ia ratou te mau maitai no te tiamâ, mai te marumaru e te pape hau mârû maitai no te hoê ofai rahi i roto i te hoê fenua ano e te pape ore hoi. Ua au atoa ia i te hoê raau rahi e ua tia i te mau taata no te mau vahi atoa ia haere mai e parahi i raro a'e i te marumaru o to'na mau amia no te paruru raa ia ratou iho i te veavea o te mahana.*

Te tai'o nei au i roto i te faaiteraa Faaroo, no nia i te mau faatereraa hau e te mau ture atoa ra hoi, tei fariihia e te Ekalesia atoa, i roto i te hoê Amuiraa rahi, hoê hanere e tia-hapa matahiti i mairi a'enei.

“ Te faaroo nei matou e, ua faatiahia te mau faatereraa Hau, e te Atua, ei maitai no te taata atoa ra; e e faautua Oia i te taata no to ratou mau raveraa atoa, i te faatiaraa i te mau ture e te haapaoraa i te reira, no te maitai e te parururaa i te taata.

“ Te faaroo nei matou e, e ore roa e tia i te hoê faatereraa hau ia vai peapea ore, maori ra ia faatiahia te tahi mau ture e ia ofati ore hia te reira, o te horoa i te taata ta tai tahi te tiamâ no to'na feruriraa, te mana e te tia ia haapao i ta'na mau faufaa, e te paruru i to'na ra oraraa. . . .

“ Aita matou e faaroo nei e, e mea tia ia amuibia te faatereraa faaroo e te faatereraa hau civila, no te mea e haamaitaihia te tahi haapaoraa faaroo e e haapeapeahia te tahi i roto i to'na tiamâraa, e na roto i te reira e faaorehia te tia-raa civila o to'na mau melo.”



Ua parihia a'enei te mau taata faatere no te Ekalesia a Iesu Mesia i te Feia Mo'a no te mau Mahana Hopea Nei i te rave i te faatereraa tia ore, no te mana o te Autahu'araa tei mauhia e ratou. Ua faautuahia o Iosepha Semita, e te hoê haavâraa, ia pupuhia ia po'ipo'i a'e, area ra ua patoi te raatira faehau ra o Alexander D. Doniphan i te faaueraa a to'na raatira rahi, ma te parau e, e taparahiraa taata teie. Na te reira i faatupu i te mätä'u o te raatira rahi no te mau feia hamani ino o tei tiahi ê atu i to matou taata i rapae i te fenua ra i Misouri; no reira ua tapea ratou i te Peropheta e te tahi mau taeae i roto i te fare tapearaa i Liberty, e a vai ai ratou ireira ua farii oia, no ô mai i te Fatu ra, te hoê o te mau heheuraa maere mau tei horoahia i teie nunaa, no nia i te faatereraa no te Autahu'araa. Te na ô maira te tai'oraa o tana heheuraa ra:

“ Ua tupu to matou oto i te iteraa i te huru e te hinaaro hoi o te rahiraa o te mau taata, ia noaa ia ratou i te hoê maa vahi iti mana, i to ratou iho mana'oraa, e rave ratou i te reira mana, o te ore roa e tia ia ratou ia rave, no te faatâtiraa ia vetahi ê. No reira i parauhia'i e, e rave rahi te parauhia, e iti râ te maitihia.

“ Aore roa e mana e aore râ e tura e tia, e a ore ra, e au ia tamauhia na roto i te mau tiaraa no te mana no te Autahu'araa ei ravea no'na, maori râ ia na roto i te a'oraa tia e na roto i te faaoromai, i te aau mărû e te faatereau; na roto i te here mau ma te haavare ore, na roto hoi i te maitai e te ite paari mau ma te viivii ore; o te mau mea ia o te faariro i te aau o te taata ei mea huru mo'a e te haavare ore, e ma te hapa ore, ia faahapa u'ana râ i te tahi mau taime, ia ârûhia oia i reira, e te Varua Maitai, ma te faaite atu hoi i muri iho i te here hau i tei faahapa ra, ia ore oia ia mana'o e e enemi oe no'na. Ia ite oia i reira e, ua puai a'e to oe here i te taura o te pohe iho.



“ A tuu ia i to aau na i te aroha i te mau taata atoa, e i te utuafare o te faaroo, a vaiiho te viretu ia faaî i to oe mana'o ma te faaea ore; e i reira ia puai to oe tiaturiraa i mua i te aro o te Atua, e i reira e topatahia mai oe i te mau haapiiraa no te Autahu'araa i nia i to oe aau, mai te hupe o te ra'i i nia i te fenua nei.

“ E riro hoi te Varua Maitai ei hoa mau no oe i te mau taima atoa, e to oe sepeta e riro ia ei sepeta huru e ore no te parau-tia e te parau mau; e to oe mana, e riro ia ei mana mure ore, e ma te mārū ra e pihaa noa te reira i roto ia oe e a muri noa'tu.”

Te tai'o atoa'tu nei au i te mau irava ahuru e ma hoê, ahuru e e ma piti e te ahuru e ma toru no te Hiro'a Faaroo no te Ekalesia o Iesu Mesia i te Feia Mo'a no te mau Mahana Hopea Nei, tei na ô mai:

“ Te haamori nei matou i te Atua Mana hope mai tei au i te aau nei, e e faatia'tu hoi na reira atoa te taata atoa ia haamori, noa'tu te huru, e te vahi, e te mea ta ratou i hinaaro ra.

“ Te faaroo nei matou e, ia aurarohia te mau arii, te mau perettieni, te mau faatere hau e te mau haavâ; ia haapaohia, ia faaturahia e ia faatihia'tu hoi te mau ture o te fenua nei.

“ Te faaroo nei matou e, eiaha e eiâ, eiaha e haavare, eiaha hoi e taiata, ei aau mārū ra e te viivii ore, e te hamanimaitairaa'tu i te taata atoa. E ia na ô tatou i te faaiteraa'tu, te pee nei matou i te a'oraa a Paulo: te faaroo nei matou, e te tia nei hoi i te mau mea atoa nei, e rave rahi te mau mea i faaoromaihia e matou, e te hinaaro nei hoi matou e, ia itoitou matou i te faaoromai i te mau mea atoa ra. E mai te mea te vai atura te hoê mau mea tia ra, e te mau mea viivii ore ra, e te mau mea poupouhia ra, e te mau mea roo maitatai ra, e feruri maite â ia matou i te reira.”



Te faaoti nei au i ta'u nei parau ma te faaite atu i to teie nei ao: *Ua ite au, mai to'u nei ite e te ora nei au, te ora ra te Atua, e o Iesu Mesia ta'na mau ia Tamaiti, te Faaora o te ao nei, tei haere mai i nia i te fenua nei, no te ra'i mai, ia pohe i nia i te satauro no te hara a te tata atoa nei. E te faaite atoa nei au e, Ua ite vau e, e Peropheta mau o Iosepha Semita na te Atua ora e te parau mau.*

I mua a'e i te a'oraa a te Peretiteni, ua faaroohia te reo o J. Reubena TARATI, te Tauturu Hoê no te Peretiteni, i roto i ta'na a'oraa no nia i te *Faaroo, te Tiaturi e te Ite o te Ekalesia no nia ia Iesu Mesia.* Ua na ô maira oia e:

“Te hinaaro nei au e faaite i te Faaroo, te Tiaturi e te Ite o te Feia Mo'a no te mau Mahana Hopea nei no nia ia Iesu no Nazareta.

Te farii papu nei matou i te parau a Ioane, no te Mesia, a parau ai oia e: “I vai na te Logo i te matamua ra, i te Atua ra hoi te Logo, e o te Atua ra hoi te Logo.” Ua faaite atoa te Mesia, i to tatou nei mau mahana, “I te Atua ra vau i te matamua ra, e o vau te matahiapo.”

Te farii atoa nei matou i te parau a Ioane e, na Iesu Mesia i hamani i teie nei ao, “na'na i hamani i te mau mea atoa nei; aore roa e mea i hamanihia maori ra i tei hamanihia e ana ra.”

Te faaroo nei matou e, ua faatupuhia te hoê apoora rahi hou te ao nei i hamanihia'i, e i reira ua faaite o Satane i ta'na opuaraa no te hamanihia e te faatereraa i teie nei ao e te mau mea atoa i roto ra, e ua faaite atoa o Iesu i ta'na opuaraa, e ua patoia ta Satane opuaraa no te mea e rave e oia i te tiamâ o te taata, e ua fariiia ta Iesu no te mea e vaiho oia i te tiamâ o te taata.

Te faaroo nei matou e, na roto i te haapaoraahia o taua opuaraa ra, ua hamani te Mesia i teie nei ao, na mua i te pae varua e na muri iho i te pae tino nei, e na roto i teie ohipa hamanihia, ua riro Oia ei hoê no te Toru-Tahi mo'a — te Atua raa — te Metua, te Tamaiti e te Varua Maitai.

Te faaroo nei matou e, i muri iho i teie nei hamanihia, e mea pinepine to te Fatu faaiteraa ia'na iho i te taata nei, i roto i to'na iho tino e a ore ra i roto i te orama, te taoto e a ore ra te parau raa mai, ma te haamata ia Adamu, e i muri iho ia Enoha, Noa, Aberahama, Mose, Samuela, Daniela e te tahi atu â mau taata i te hitia o te râ, e i te mau peropheta e rave rahi i te mau fenua i te tooa o te râ; i roto i hoê o teie mau fâraa hanahana ua faaite oia ia'na iho, hou to'na fanauraahia i te tino nei, i te taeae o Iareda, te taata tei hau atu i te faaroo i to'na tau, ma te parau atu e: “No

to oe f  
teie ne  
taata i  
nei e t

Te  
ra o M  
na te  
nema e  
e i reir  
rua i to  
hanaha  
te hara  
hou,—  
fanauh  
rau a I  
pe atoa

Te  
Adamu  
raa tino

Te  
ao, o O  
iti a te  
raa e te

Te  
a'e i te  
Tamaiti  
iho mat  
maiti r  
ite i te  
no mai  
mau:

a'e o ra

Te  
to'na p  
nelia m  
te hara

Ua  
tei poh  
mau pa  
ta ratou  
haa roa  
ta'u faa



to oe faaroo i ite ai oe e e rave au i te tino i'o e te toto no'u iho. Inaha, o teie nei tino ta oe e hi'o nei, o te tino ia o tau varua; e ua hamani au i te taata i te huru o te tino o tau varua; e i te huru ta oe i ite ia'u i te varua nei e tae atoa vau i tau feia i te tino ra."

Te faaroo nei matou e. i te avatea o te mau tau ua fanau te Paretenia ra o Maria ia Iesu, te tamaiti fanau iahi a te Metua, e o te tamaiti mau oia na te Atua; ua faasataurohia taua Iesu ra; ua tuuhia oia i roto i te menema e ua vai oia i reira e tae noa'tu i te po'ipo'i o te toru o te mahana, e i reira tia faahou maira oia mai te pohe mai, — ua amui faahou to'na varua i to'na tino e ua haere mai oia, mai roto mai i te menema, ma te tino hanahana e te tahuti ore; e ua faaora taua Mesia ra i te mau taata atoa i te hara a Adamu, e e tia i te taata atoa, na roto i taua tusia ra, ia tia faahou, — oia hoi, e amui faahou hia te varua e te tino o te mau taata atoa i fanauhia i te ao nei, i te tau mau i haapaohia e te Fatu, mai te faai i te parau a Paulo tei na ô mai: "Mai te taata i hope i te pohe ia Adamu, e hope atoa i te faaorahia i te Mesia."

Te faaroo nei matou e, ahiri aita te tusia o te Mesia, no te hi'araa o Adamu, ua vai noa te taata e a muri noa'tu i raro a'e i te utua no te pohe raa tino e te poheraa varua, tei tae mai na roto i te hi'araa o Adamu.

Te faaroo papu roa nei matou e, o Iesu mau iho tei hamani i teie nei ao, o Oia te hoê no te Atuaraa, te tamaiti fanau tahi a te Metua, te Tamaiti a te Atua, te Mesia i parauhia mai, te oho matamua no te tia faahou-raa e te Faaora o teie nei ao.

Te faaroo nei matou e, 1.800 matahiti e tiahapa i mairi a'enei, i muri a'e i te poheraa e te tia faahou-raa o te Tamaiti, ua fâ mai te Metua e te Tamaiti ma te hanahana rahi i te hoê tamaiti apî, hoê ahuru ma maha noa iho matahiti, mai te huru o to te Fatu haereraa mai, i tahito ê ra, i te tamaiti ra ia Samuela i roto i te Hiero; ua parau mai te Metua, ma te faaite i te Tamaiti: "O tau Tamaiti here teie, a faaroo Ia'na;" e ua pahono mai te Tamaiti, i te aniraa a taua tamaiti apî ra e, teihea te haapaoraa mau: "aita te hoê haapaora mau e vai ra e eiaha oia e amui i te hoê noa a'e o ratou."

Te faaroo nei matou e, na roto i teie nei tamaiti, o Iosepha Semita, i to'na paari raa, ua faatia faahouhia e te Fatu, i nia i te fenua nei, te Evangelia mau e te Antahu'ara a te Atua, tei rave ê hia'tu no nia i te fenua no te hara a te taata.

Ua hanere te tauatini o te Feia Mo'a no te mau Mahana Hopea nei, tei pohe e te ora nei, tei faaite i to ratou ite papu no te parau mau o te mau parau ta'u i faaite iho nei; e rave rahi no rotopu ia ratou tei titiro i ta ratou parau faaite i to ratou toto-maratiri. E i te parau faaite a tei haehaa roa'e no ratou ra te hinaaro nei au, ma te haehaa, ia amui atoa hia ta'u faaiteraa.



I te haamataraa o teie nei oreroraa rahi, no te faaiteraa i te huru o te faaroo mau no te Feia Mo'a no te mau mahana Hopea nei, ua faaroohia te reo o Davida O. MAKE, te Tauturu Piti no te Peretiteni i roto i ta'na parau: *E noaa te oaoa e te mana'o puai na roto i te haamo'eraa ia'na iho no te maitai o te tahi e atu.* Ua na ô mai oia e:

Te hinaaro nei te mau taata atoa i te oaoa. Te tamata nei te vetahi ia faariro ia ratou iho, ei mea maitai a'e, area ra e te vahi maere, ua iti roa tei ite e, o te aratai ia tae i taua hopea ra, e itehia ia i roto i te parau a Iesu no Nazareta tei na ô mai: "O tei hinaaro hoi i te tapea i to'na ora, e ere ia oia i te reira: e o tei tia ia'na i te tuu i to'na ora no'u nei, e roaa ia ia'na te ora."

Te vai nei i roto i taua irava iti nei te hoê auraa parau mo'e tei hau roa'tu, ia noaa mai, i te roo maitai e te mana, e ua hau roa'tu i te faufaa i te mau faufaa no te ao nei. O te hoê ravea teie, ia haapaohia ra, te faaore i te paruparu e te rumaruma e te mono mai i te tiaturi e te mauruuru; e te faai i teie nei oraraa i te mauruuru e te hau mure ore. E parau mau te reira, e riro to'na fariiraa, i teie nei, ei ravea faahiahia no te faaoreraa i te mau peapea atoa o teie nei ao. No te aha aita te mau taata e te mau nunaa atoa i ite i te hoê mea faufaa mai teie?

No te itea papu oreraa o te parau mau i roto i teie faaiteraa huru ê: "o tei tuu i to'na ora e iteahia ia te ora ia'na," no reira paha i ore i taa ai i te taata nei? E a ore ra no to'na patoiraa i te huru o te oraraa nei i mana'o ai te taata e, aita e faufaa? Noa'tu ra i te reira te vai noa nei te mea e, Na'na, "te e'a, te parau mau e te ora," i tuu mai i taua ture hirohirouri ra, e na roto i te haapaoraa i te reira e maitai te oraraa nei "te reira te mau tauatini taata, te ore e tia ia tai'o, i te oto noaraa no te ino o te taata i nia i te taata iho."

Ia tatara maitaihia, te na ô maira taua ture ra: "E hope tatou i te ora i to tatou oraraa nei mai te mea e tamata tatou i te faariro i teie nei ao ei maitai e te oaoa a'e." Te ture o te natura mau, — e toe no tei tano roa, — o te parururaa ia ia'na iho ma te ore e haapao ia vetahi ê; area ei patoiraa i te reira te na ô maira te ture varua: "A haamo'e oe ia oe iho no te maitai o vetahi ê."

Te farii nei te Ekalesia a Iesu Mesia i te Feia Mo'a no te mau Mahana Hopea nei i taua ture ra ei ture tumu no te oraraa nei, e ua papu roa i te mau melo haapao maitai e noaa te oaoa e e tupu te mana'o puai na roto i to'na haapaoraahia; te faaroo atoa nei ratou, mai ia Emerson e, "e rahi a'e te mana'o puai i te maramarama — e mea tia roa ia ora e ia feruri te hoê varua teitei." I to ratou atoa ra mana'oraa, te vai nei te ora e te paruru o teie nei fenua i nia i te taata mana'o puai e te haapao ture.

E  
te reo  
mea fa  
ta oe n  
rua ia'

M  
mau h  
rii e te  
varua.  
185.00  
i to rat  
parare  
tupu

I  
vahine  
tei faa  
faufaa

Ai  
te haap  
vahine  
mana'o  
tavinir  
te taat

O  
mua r  
hana  
i te h

teie  
-oip  
-ato  
-bi  
te

O  
tei tia  
ha ta  
ia ere  
iho or



E inaha, i roto i te mafatu o te mau Feia Mo'a mau, te parau atoa nei te reo o te Fatu na roto i teie heheuraa i papaihia e: "A haamana'o, e mea faufaa rahi te varua i mua i te aro o te Fatu. E mai te mea na roto i ta oe mau ohipa i to oe mau mahana nei, ua aratai mai oe hoê noa a'e varua ia'u nei, eaha ia te rahi o to oe oaoa i roto i te Basileia o tau Metua."

Ma te feruri i taua hopea ra te rave itoito nei, ma te moni ore, i te mau hepetoma atoa, e 50.000 tane e te vahine i te haapiiraa'tu i na tamarii e te taure'are'a e 500.000, i te ravea e noaa mai te mana'o puai e te ora varua. Ei tautururaa i teie nuu feia faatere e te orometua, te vai nei e 185.000 taata tei mau i te Antahu'araa e tei farii i te ture, e haapau ratou i to ratou taima e ta ratou mau taleni, mai te au i to ratou puai, no te haaparareraa i te maramarama, te oaoa e te hau i rotopu i to ratou mau taata tupu

I roto i to ratou tutavaraa ra, ua arataihia teie nei mau tane e te mau vahine, e te mau mana'o o te Peropheta no te ahuru ma iva o te tenetere tei faarahi i te haapiiraa a te Mesia a na ô ai oia e: "Mai te mea aita e faufaa no to'u oraraa no to'u mau hoa, aita atoa ia e faufaa ia'u iho nei."

Aita'tu â taima tano mai teie, i roto i te tuatapaparaa o te ao nei, no te haapaoraa i taua mau haapiiraa ra. No reira, a tuu i te mau tane e te mau vahine, no teie nei ao, ia tahoê to ratou mana'o no te faarureraa i te mau mana'o ino, te au ore e te nounou na roto i te haapaoraa i te ture no te taviniraa'tu ia vetahi ê, e na roto i te reira e faatupu i te hau e te oaoa o te taata atoa nei.

O te mau parau ia tei faaitetia, e te Peretiteniraa Mata-mua no te Ekalesia a Iesu Mesia i te Feia Mo'a no te mau Mahana Hopea nei, i mua i te aro o to te ao atoa nei ei faaiteraa i te huru o te faaroo o te *Momoni*.

*Te Heheuraa Api.*

O tei hinaaro hoi i te tapea i to'na ora, e ere ia oia i te reira; e o tei tia ia'na i te tuu i to'na ora no'u nei, e roaa ia ia'na te ora. Eaha ta te taata faufaa i noaa, ia noaa ia'na te tao'a atoa o teie nei ao, ia ere oia i te ora? eaha hoi ta te taata e ore e horoa ei hoo i to'na iho ora?



## Te Poheraa o te hoê Taeae.

TE faaitehia'tu nei ia outou, e te mau hoa no te Heheuraa Apî i te mau fenua Moana nei, e to'na mau hoa i to'na ai'a tupuna, i te parau no te poheraa o to tatou taeae i te faaroo ra o *Kuratahi a Taamino* tei pohe i te fenua ra i Makemo, Pouheva, i te 15 no Eperera 1936 i te hora 5 i te po'ipo'i.

E poheraa hanahana to'na, e i te taima ta'na i faaineine no to'na tere i pihaiho i to'na Metua i te ra'i ra, ua ani oia i ta'na mau tamarii, i te atea e tei fatata ia'na, ia haere mai no to'na aroha ia ratou. Ua tae mai ta'na mau tamarii i mua ia'na e ua hi'o oia ia ratou e ua na ô maira to'na reo ia ratou; "A faaitoito i to outou faaearaa i roto i teie nei ao, a haamana'o i te e'a ta'u e haere nei, o te e'a maitai ta'u e haere nei, e e pee outou i to'u e'a, o te e'a titiaifaro ta'u e haere nei ta to tatou Atua i faanehenehe no tatou.

Mai te mea eita outou e pee mai i ta'u a'o, ua amaa ia to tatou e'a, e eita ia tatou e farerei i te utuafare hoê."

Ua na reira noa oia i te a'o i ta'na ra mau tamarii i te mau taima atoa, e i te taima a fatata'i oia i te faarue i teie ao, i te 14 no Eperera, ua na ô atura oia i to'na hoa faaipopo: "Eaha te taima e ravehia'iau e tau Atua?" Na ô atura to'na hoa ia'na; "Te vai nei paha te hoê tumu no te tafifi ia oe!" Na ô atura oia; "A tii ia Temuriaroha no te mea tei ia'na te mana no te Autahu'araa rahi." E ua fai maira oia i te mau vahi o tei tafifi i to'na tere, e ua oti roa; i taua taima ra ua no ô maira oia i ta'na tamaiti ia Temuriaroha: *A faaitoito, a here outou ia outou iho, eiaha e tamai, a here atoa i to outou Metua vahine.*

I te  
ua tan  
ani o  
raa ta  
2 i te  
ia faa  
oto ih  
maira  
re ua  
fare a  
nei a  
Atua,

I re  
hopea  
utuafa

Ua  
rera r  
nuraa

O t

I te  
taahia  
mahar  
nu pa  
te put  
o te r  
maita



I te reira taime ua ani mai oia i te maa e ua horoahia'tu; ua tamaa atura e tae noa'tu i to'na paiaraa, e i muri iho ua ani oia i to'na hoa ia faahopu ia'na i te pape, e i to'na mâ raa tarava ihora oia i nia i to'na ro'i e tae noa'tu i te hora 2 i te po'ipo'i. I taua taime ra ua parau atu oia i to'na hoa ia faaoti te hoê pure no raua, e i te faaotira o te pure ua taoto ihora oia. Aita i maoro to'na taotoraa ua ara mai, tia maira oia i nia e ua pure atura i te Atua, e i roto i ta'na pure ua na ô oia: *A tauturu i ta maua mau tamarî e te utuafare atoa, ua tae i te taime ta oe i ani mai e te Atua, te faarue nei au i teie ao haapiiraa i roaa mai ai to'u faaroo ia oe, e te Atua, ua ite au te e'a maitai, Amene.*

I reira taupe ihora to'na upoo i raro, e teie ta'na parau hopea *Teihea o Temuriaroha*? I reira faarue maira oia i te utuafare i te hora 2 i te po'ipo'i no te 15 no Eperera 1936.

Ua faanehenehe hia oia e ua tanuhia oia i te 16 no Eperera na Temuriaroha i faatere i te mau ohipa atoa no te tanuraa mai te tauturuhia e te huiraatira no Makemo.

O te huru ia no te poheraa o to tatou taeae i te faaroo.

*Papahia e Temuriaroha a Kuratahi.*

## TE MAU PARAU API

### No te haereraa i te teata.

I te mau matahiti atoa, i te oire i Roto Miti, Utaha, ua faataahia te hoê mahana no te faaneheneheraa i te oire. I taua mahana ra e haere te mau tamarî e ohî haere i te mau punu pau ta ratou e ite e e taamu ratou i te reira i te taura no te puto na nia i te purumu; te na reira nei ratou no te mea o te ravea ia e ô ai i te fare teata i taua mahana. E ravea maitai mau te reira, e mâ te oire e e arearea te tamarî.



Ua oaoa te nunaa Inidia Utes.

Na roto i ta ratou paraparau rima, te haruru pahu, e te tahi atu â mau ravea, ua haapararehia te parau apî na roto i opu ati Inidia Utes, oia hoi ua fanau hoê potii apî i te hoê Mesia no ratou. Te opua nei ratou i te faatupu i te hoê ororaahi no taua fanauraa ra, no te mea te vai râ te parau tutuu i ô ratou tei faaite: ia fanau te hoê vahine tei ore i faaipoi-pohia i ô ratou ra i te hoê tamaroa, ua roaa ia ia ratou te aratai tei hau roa'tu i te mana.

E pape tei hinaarohia e e mata'i tei noaa mai.

I te oire ra o Camden, Amerika, ua hou te taata ra o Frank Baker i te hoe apoo ia noaa ta'na pape, e inaha aita ta'na pape i noaa, maori e mata'i, no reira ua tamau oia i te tahi mau auyaha i te auri ta'na i patia i roto i te fenua, e no te puai o te mata'i e faaroohia to ratou tai e hoê maille i te atea. E 30 noa iho avae te hohonu o taua apoo ra, ua ani taua taata ra ia haere mai te feia paari e hi'o e, e maoro anei taua mata'i ra i te purororaa mai no roto mai i te fenua.

Ua titauhia ia iriti i te niho.

I te oire ra i Buffalo, Amerika, ua tuu te hoê taote niho i te hoê taata ereere i te haavâraan o te aufauraa i ta'na tarahu, e ua titau oia ia iritihia te mau niho ta'na i hamani. Ua peapea roa te haavâ no te reira titauraa.

Louis Drollet Gérant

Le Roy Mallory Imprimeur.

Rue Dumont d'Urville, Orovini, Papeete, Tahiti.

Eal  
Maito  
Atua  
te hoe  
tino e  
tia 6:

poa v  
e te i  
mau l  
naaro  
Mai te